

# INUIT ATAQATIGIIT INATSISARTUNI



UPA 2026/150  
26. maj 2026  
Ane Hansen

**Nuummi Imarsiornermik Ilinniarfimmuk ininik attartuinnarani, Namminersorlutik Oqartussat tassunga illussamik sanatitsigunik, piginnittuugunillu siunissamut ungasinnerusumut naleqqunnerussanersoq Naalakkersuisut peqquneqarnissaannik pillugu Inatsisartut nassuiaasiornissaannik, aalajangiiffigisassaattut siunnersuut. Attartuinnarnermut nallersuullugu piginnittuunermi aningaasatigut, allaffissornikkullu kingunissaannik nassuiaat**  
(Inatsisartunut ilaasortaq Bo Martinsen, Demokraatit)

Inatsisartunut ilaasortaq Bo Martinsen, Demokraatit, aalajangiiffigisassatut siunnersuutaanut soqutiginarluinnartumut qujanaq

Kalaallit inuiaat nunarujussuatsinni immap sineriani nunaqartiterpugut taamaammallu aamma tupinnangittumik angallannikkut imaani aqqusinersuaqartuutullusoq inuuvugut. Imarsiortuuneq kinguariippassuarni ingerlasimavoq aamma sulii siuniunissami imarsiortuunerput allangorani pitsangorsarneqartuartaavaq.

Aalisarnermut, piniarnermut, imarsiornermut, ilaasunillu angallassinermi kiisalu imaatigut asartuussinermi imarsiortut eqqarsaatigalugit ilinniartitsinermi Imarsiornermik Ilinniarfik qitiusumik inissisimavoq.

Inuussutissarsiutit taakkua nunatta aningaasaqarneranut, ineriartorneranullu pingaaruteqarluinnartuupput. Taamammatt aamma ilinniartitaaneq eqqarsaatiglugu pitsaasumik avatagiiseqarnissaat pingartittariaqarparput.

Siunnersuuteqartup Naalakkersuisunut suliakkiutigaa Imarsiornermik ilinniarfiup inini attartukkamiikkunnarluni Namminersorlutik Oqartussat pigisaannik sanartornikkut ilinniarfittaassappat maanna atugassarisitaasunut sanilliullugu aningaasartuutissat qanoq inissisimassanersut nalunaarusiorneqassasoq.

Suliakkiut tamanna Inuit Ataqatigiinni isumaqatigarput. Aamma soqutiginarfissinnaavarput Imarsiornermik ilinniarfik sinerissap ilaani inissinneqassaguni sumiissinnaanersoq ilangullugu nalunaarusiarineqarsinnaasoq.

Taamatut oqaaseqarluta Inuit Ataqatigiinnit siunnersuut ilalerparput, aappasaanerpeqartinnanilu Kultureqarnermut Ilinniartitaanermullu ataatsimiisitaliami suliarineqaqqissasoq inassutigalugu.